



憂感憤無聊不平之意耿於衷而不去者悉如
景純靖節之出之以恬如也麟洲請擇其尤者付
之梨棗以垂不朽余孤陋失學豈能探驪珠於波
濤浩渺之間然照乘寒光諒不以見少而不發也
噫後之讀是詩者考其世可以知其人矣

南虞小草目錄

卷上 中關道

暮春

感懷

送陸朗飛遷居膠水

讀賈誼傳

題壁

避暑

秋夕

秋懷四首



深秋四首

病中

輓瞿留守

贈張心陽

望美人今天一方

玉峰道中二首

曉行

寓崇安寺

舟中聞笛

同李爾公遊北山

新秋二首

過故人宅

玉峰道中夜泊

次和夏寒

患瘡

病起

偶題八首

和顧楫侯秋夜聞雨

秋曉

雨中桂花

南風小集
金
二
淵松居
旅館懷家兄晉公

贈家兄晉公

贈魏德音煇齊聞雨

詠風鳶二首

恭送文靖公神主人讀書館紀事

錢府佇招飲看楓林

曉棹夏寒

初春山行文前

暮春歸棹

初夏吾谷雅集

競渡二首附二首

全室人哭祖兒百日二首

辛丑元旦

亞父別項王

全內子哭祖兒週年

病中二首

聞笛

獨居

展先兄手書家乘

早春遣興二首

歸途見籬落桃花盛開

山遊

病中

春暮伯玉兄粵西歸

無題

送春八首

初夏雜興四首

秋日述懷

舟中

聽琵琶十首

秋窓

秋花

秋水

卷下

新秋五首

八月十一夜泊舟玉峰城外遇月

十九夜又至崑山同爾公對飲迎月

二十夜期歌者不至同爾公待月

秋霽聽慧上人講法

西郊晚秋

南風
秋盡日卜肆看菊

壟羹慰內子人勸去

村莊三首相答不至同爾公詩民

夜聞隣家奏曲山同爾公佳於世民

冬夜詠雪亦出世王李知水世民

寒月

初夏遊西關

立秋

詠扁豆

秋日聞雁

八月初三夜三首

暮秋聞雁爾集文人園亭

屏迹日與林對雲窓語書

恭送叔母文宜人葬

枕上詩八首

送遠行

次和李爾公江浦蘆花

經陸季恭先生十五松別業

冬日自慰

池魚

春雪

春閨怨

晚秋十二首

哭家兄晉公二首

歎落花

落花詩八首

孝子行

春盡日與楫侯雪窓話舊

和翁季霖雨集友人園亭

首夏三首

漫興二首

長相思二首

仲春上浣宴集李爾公園亭

畱別李爾公

傷春

四月朔訪友高林菴

誕日自感

秋曉

中秋二首

老少年

恭頌蔣孝子雲程

壽蔣文石五十

感遇

河之水二首

所見

夜坐

秋盡日玉峰道上

留別李爾公

南虞小草卷上

琴川嚴焯子

暮春

春風吹遍酒旗斜。晴美村郊處處葩。曉陌碧雲肥
柳色晚。窗紅雨瘦。桃花精神漸壯。增雄骨。景物多
違好。棄家隙裏白駒容易老。難將心事逐年華。

感懷

尋芳扶病強登臨。桃李花稀柳色深。傲骨雖銷無
媚骨。雄心已泯。總傷心。銅駝荆棘悲存歿。竹帛功
名歎古今。楚水湘江竟長逝。離騷空自費高吟。

老杜風骨

無限淒涼含著
不盡



折柳心傷景物遷。今朝分手在琴川。人生聚散真如夢。物理炎涼轉似天。撥棹不堪雲渺渺。懷人常記草芊芊。君今此去烟霞裏。寄跡漁家趁穩眠。

上策當年費苦辛。遠辭丹闕淚沾巾。長沙再召疑殊寵。前席終于問鬼神。

題壁

近來心事亂於麻。欲作歌聲更歎嗟。莫道消愁惟有酒。醉來愁起更無涯。

避暑

愁餘豪興已無多。况值炎天更奈何。書富恨無心記誦。日長幸有酒消磨。邀風一柄蒲葵扇。寄慨千聲水調歌。午夜無聊思所事。黃庭臨罷看羣鵝。

秋夕

老樹三秋晚。輕雲一雨餘。疎狂為客慣。不敢歎無魚。

秋懷四首

獨坐西風至。蕭森一望中。陰雲如塞北。烽火似遼東。白露凝蒼苔。青泥墜槿紅。可堪頻極目。心事寄

二十字中有峭
巖遼右

四章清氣逼人

哀鴻。

直道世不容。辭囂閉戶重。習勞移百壁。寄興撫孤松。蟬响秋風遠。砧聲夜月濃。私心慕黃石。何日得相從。

大火已三伏。清秋物候移。山空猿嘯夜。巢靜燕歸時。名利從人競。琴書祇自怡。草花能伴我。常放兩三枝。

世久無元度。清風為若來。露濃籬菊冷。風急夜烏哀。眾鳥饑誰去。雙扉暮亦開。休驚潘鬢白。對景且銜杯。

淡秋

風起露霜林。楓丹猶在樹。金蠶擣橘香。玉粉烹茶乳。歲晚不再來。年少豈常遇。傷哉秋復秋。人生能幾度。

病中

近來身世兩堪傷。貧病相侵晝臥床。破壁劒寒光欲動。小窓花放日初長。須知心地留天日。可歎頭顱有雪霜。惆悵牛衣寒未半。相看擁被泣王章。

輓粵西留守瞿相公

報國心堅誓渡河。小樓幽繫漫嗟吁。千秋有恨留

此是身世之病

青史百粵何人進赤符。慷慨捐生華夏重。從容狗
節古今無。從茲浩氣充霄壤。豈得徒稱將相瞿。文忠

公臨難著
浩氣吟集

贈張心陽羽士

大道雖難企。存誠即可攀。朝元遵五炁。結孕串三
關。靜裏騎鸞去。空中駕鶴還。陰資陽燦燦。火伏水
潺潺。調氣須綿密。凝神貴靜閒。童顏雙白鬢。草履
半青山。果証天仙位。神遊蓬島間。無私心似日。不
息道如環。既脫人間網。頻承天詔頒。黃房能固守。
紫焰自充寰。

胸中大有不平

少愧國恩之後

結得遠大

望美人今天一方

海。天。極。目。日。邊。遙。兩。度。空。迴。寂。寞。潮。遙。上。未。能。親
擊。鼓。市。中。因。得。學。吹。簫。自。憐。偃。蹇。纏。荆。棘。敢。忘。音
書。慰。寂。寥。九。萬。風。前。空。斂。翼。豈。應。垂。白。老。漁。樵。

玉峰道中二首

玉山風景甚淒涼。城下猶存舊戰場。岸柳飄搖舟
繫得。野花零落鳥銜將。桔槔遍地波聲急。烟瘴迷
天日色黃。愁坐孤帆更長歎。一番碁局幾滄桑。
醉去逍遙是我鄉。醒來篷底日猶長。馬鞍似掌環
秋水。鳥目回頭半夕陽。遠碧芊綿翻麥浪。落紅搖

南唐小直
卷一
四
滿林月
蕩露蓮房。儵然隴畔扶犁叟。心似寒灰髮似霜。

曉行

萬籟宵鳴寄不平。冷風殘月計歸程。辛勤只為多
妻子。慙直應知忤友生。寥落夜烏關客聽。參差漁
火傍舟明。縈名求利何時已。老大驅馳暗自驚。

寓崇安寺有感呈同志

春寒旅况淡如秋。細雨濛濛壓小樓。相對友朋皆
落魄。回思身世盡堪愁。名花厭我頭將白。好鳥憐
人語不休。惆悵題詩向廊廡。含辛難囑寺僧留。

舟中聞笛

孤舟夜泊闔閭城。落盡梅花月下聲。不覺故園情
欲動。擁衾淒絕到天明。

同李爾公遊北山

爾我無常跡。山遊俗慮空。此身原是幻。聊共寄雲
中。

新秋二首

細雨不可測。斜風時滿林。朝來愁對鏡。兩鬢欲霜
侵。

昨夜西風起。衾單夢亦寒。一枝殘燭盡。窗外雨
霰。

八句自有次第

過故人宅

昔年來訪故人時。柳映茅簷花映扉。碁陣似讐春茗熟。醉鄉如夢亂鶯啼。來尋舊迹苔生徑。去逐浮雲月照溪。白屋蕭蕭重迴首。不堪吟坐釣魚磯。

玉峰道中夜泊

為愛雲霞晚。停舟古渡頭。啼猿八月暮。孤雁一天秋。世換悲陵谷。人呼任馬牛。徘徊殊未久。明月荻花洲。

次韻和陸若士夏寒

陰寒入骨甚於秋。五月重披釣艇裘。不見杏梁栖

睡燕。更愁茅屋集鳴鳩。窓搖應起孤眠客。浪打難行片葉舟。何事炎涼能束縛。幻身總未出人頭。

患瘡

幾番貧病結愁鄉。心似刀錐背似芒。堪笑一身經世態。朝朝莫莫自炎涼。

病起

平居鬱鬱甚難安。病起襟懷反覺寬。只為一心空萬象。不將二念起千端。天因頻雨樓無暑。夏為多風晝亦寒。自愧廢人何所事。惟知努力且加餐。

偶題八首

眼前語無人道得

八章俱超脫
神情已翰墨
外

病起風來大不堪耳根猶怕燕呢喃愁門何事頻
頻入海上初來不信讒
清秋一似夏初炎猶喜疎風自入簾鳥雀不知人
意懶故將蠻語噪前檐
性癖常將內典探空花猶自現優曇一家抱恙無
人侍長日沉沉靜似庵
天賦痴頑懶惰心貧餘猶著病相侵亂蟬聲裏知
秋老攪亂詩腸促朗吟
病中一似火來蒸病起猶貪枕曲肱魔釋境通心
地淨靜中何事學高僧

汗雨如珠識穢形一身如葉復如萍支床瘦骨將
何用擬傍東籬策杖行
學得長貧不賤方無非解脫自徜徉而今身世已
如此不是詩狂定酒狂
有限光陰莫浪過悔將年少竟蹉跎從今縱有飛
騰意興到梢頭剩不多

和顧楫侯秋夜聞雨次韻

病軀長夜不勝秋雨驟風狂更著愁枕上不眠因
有耳耳根多事幾時休

秋曉

紅蓮落盡火西流。蟋蟀爭鳴露未收。半破紙窗星入戶。欲明天色。月當樓。貧餘家室能如洗。病後精神倍覺秋。身外萬緣皆屬幻。一心不繫較沙鷗。

雨中桂花

朝來忽微雨。遂覺晚秋涼。寂寂庭中桂。無人亦自芳。花繁迎雨散。香細逐風長。明日黃金粟。還承白玉霜。

旅館懷家兄晉公

憶昔燈窓共下幃。髫齡兄弟鎮相依。觀光上國求名拙。為客他鄉見面稀。仰首霜天鴻雁北。傷心風

雨鶴鴒飛。何時再得同衾枕。荆樹花前晝掩扉。

氣厚

贈家兄晉公春味風火至或至或至

丈夫爭氣誰。豈必事封侯。定遠筆安在天山。箭已休。古今如電疾。富等雲浮。但見日西沒。不聞月

久留。何如晉五柳。更有越扁舟。澹蕩塵不繫。逍遙迹可求。隱居超萬慮。高蹈接千秋。福乃禍所伏。智

為愚之尤。知幾自來尚守拙。未為羞。物理應忘巧。人情奚用愁。麒麟愧吠犬。鸚鵡遜鳴鳩。感遇聲咄

咄。興懷思悠悠。庶惟兄長志。不與絳灌侔。殷勤懷楚璧。慷慨看吳鉤。障子東坡匹。詩篇太白儔。朽柯

此是暢叢起
句

仙奕勝流水素琴收每憶垂髫日還思竹馬遊無
書不共讀有業必同修堅欲登雲路誰知厄傲裘
弟猶心紫閣兄已樂丹丘詩酒酬知己春秋斂壯
猷人生取行樂景物自逗遛瀟灑陶潛菊清幽謝
眺樓豚魚亦可信將以貽孫謀

贈魏德音

今君有琴癖堪歎知音誰泠泠指下弦淒淒曲中
悲將以愬鴻鵠鴻鵠宿中坻將以訴燕雀燕雀昏
不知靜觀有幽趣陽春和風吹吹至滄海上復至
西南陲

風鳶呈當事二首

問鳶

生身輕小甚單寒頃刻雲程忽上搏自此聲名漸
無價世間莫作等閒看

鳶答

青帝東臨萬景韶前途此去甚迢迢憑君不惜提
携力頃刻風吹上九霄

恭送文靖公暨五公神主入讀書館

紀事

館在虞山福地之西南隅先文
靖幼時結小庵讀書于此迨子告
歸改置堂楹數間每遇秋月春花必憇
息焉後五公復葺而新之邑侯連諱

三元題其額曰宰輔嚴公讀書館無何
滄桑頓改子姓氏式微戶牖荆榛垣墉傾
圯不勝興廢之感先君子涕泣道之
二叔父駕部公不日成之增新式廓
丹雘煥然且奉文靖公暨五公神
位供于中楹為春秋永遠之計是日也
老幼咸集依序北向而拜行三獻禮禮
既畢飲福及暮肅然而敬藹然而和倘
所謂能世其家者非歟焯也瞻先德之
非遠撫喬木之依然既頌美於前祈行
慶于後感與望并敬賦二十四韻以誌之

檟楫如今日箕裘自昔年鏡湖青合面西湖在館之南

檜綠垂肩星壇七檜在館之東喜接丹鉛地錫井在館之東北勤開

甲乙編夔龍思喜起孔孟凜冰淵文靖公幼時自榜其壁云夔龍

事業山中養孔孟文章心上求月夜書頻校天堦策早宣花磚濡

翰墨宮禁吐雲烟啓事山公奏調羹傳說處三朝

資燮理廿載臥林泉世重絲綸美家承誦讀專鴻

猷標信史藜火照遺筵忽值滄桑改潛驚歲序遷

老松風作吼敗蘚露餘妍翬翼曾全盛荆榛已半

纏孫謀酬燕翼祖業慶蟬聯丹雘輝梁棟棗盛潔

豆籩音容因代隔靈爽藉神傳拜跪真如在追維

更宛然題門懸舊額誌石峙新鐫江左流芳遠昭

陵厚澤鮮弟兄還濟濟父子繼綿綿奕葉稱苞茂

盤根覺蜿蜒匪惟天作合乃以德為緣言墓秋蕪

淡蕭臺夕照偏館去言子游夫子墓梁太子讀書臺不半里仰瞻先相

館琴水峙三賢

錢府佇招飲同諸友看吾谷楓林

此篇結構甚
精
因看楓葉說到
稼穡能見大義

大風發寒空霜露遍中國歲序十月交羣雁來自
北幸猶應小春寒暖亦叵測每誦古人詩是月畢
稼穡因懷大聖賢千古無如穆恨予生也晚焦勞
易偃息奮志賢豪間未嘗謀衣食撫膺服先訓人
生須用直交遊頗不凡相識皆奇特或為予所憑
或為予所式携手吾谷遊共驚樹如織淡宕飲美
酒蕭疎曠胸臆把盞復長嘯須臾風四塞天意欲
陰霾白日將西匿浩歌歸去來醇醪湧顏色一望

歸到稼穡作結
與感五涯

尚湖濱滔滔竟無極回首語同心諸君看耕植豈
以歲云暮乃逢玉迹熄徒步入閭巷長夜漫漫黑

夫水淼無際輕橈烟霧中曉霜凝樹白旭日映波
紅人物于今異江山自古同此心何所繫流目更
無窮

初春山行

雪散冰消已早春山行無侶黯魂驚自知不是天
台徑塞路梅花冷墓門

以月墓門有梅

暮春歸棹

南囊小阜

卷上

上

開公居

次第歸舟欲暮天。晴山銜月柳含烟。人生幾見春歸去。得送春歸卽是仙。

雲耕水初夏吾谷雅集追思往事漫成四十韻呈

同遊諸子

生身恰在亂離間。燕雀居堂事事難。城下之盟更舞劍。日中爲市遍征鞍。蕭條景象千愁合。擾攘風塵百慮攢。時或悲歌拂水嶺。間常飄泊尚湖灘。危疑豈易藏頭角。杌隄安能戢羽翰。漢室禰衡心未死。智家豫讓淚偷彈。風吹一鶴江湖濶。雨送孤鴻蘆荻殘。數載心雖懸建業。半生夢已屬邯鄲。飄零

才情極如極
以激之

外地知音少。流落他鄉顧影單。欹坐小窓時短褐。

獨眠。今夕每長歎。天涯芳草迷迢遞。地角浮萍隔

渺漫。輕薄世情無盡處。淒涼人事有多般。只因久

客嬰塵網。爲想還家把釣竿。可喜悠悠新日月。何

須戀戀舊衣冠。垂綸世裔爲真隱。占象家風不羨

官。牛背五千宜細味。鵬程九萬未輕搏。聖賢自解

勤。三吐豪杰終求報。一餐且擲壯心天外去。莫將

衰鬢鏡中看。友生握手因生喜。兄弟同堂更覺歡。

風入南薰涼氣爽。燧鑽棗杏艷陽闌。已知夢幻當

尋勝。不染塵埃貴達觀。百尺高枝臨峭壁。千章夏

南唐小意 卷上 三 瀟松居
木廕層巒看山玩水投金谷載酒移尊上木蘭爲
愛清溪由嶺上因停畫舫在江干良辰瀟灑身常
健勝地徘徊心倍寬遂谷風清好消遣碧天雲盡
可盤桓科頭箕踞神仙樂長嘯歌吟韋布安翠幕
漸濃鶯漸老碧潭常靜水常寒嘉肴旨酒爭高下
貴品珍羞鬪簡繁停筇依依厭濃厚流觴曲曲遶
琅玕無姬侑酒難希謝有客薰香似學韓雲半僧
居煮槍茗谷中人坐倚蒲團朗吟青翰連山翠高
臥朱顏映日丹衣掛松梢卽成架扇搖鶴羽不須
紈夕陽穿樹霞無定鈎月依人酒欲乾棹返伊啞

水勢急詠歸雜沓笑聲謹疎狂沉醉才非李憔悴
成絲鬢欲潘此會宛然如竹下後期何必不谿礚
辭舟分袂多珍重登岸言旋各語殫今夕歸家醒
宿酒明朝依韻潤毫端曲江詞重千金鼎鈴閣詩
成雙玉盤深羨諸君富才思投磚初學弄泥丸

競渡二首

兩岸垂楊葉正肥風吹飛絮著羅衣空投角黍蛟
龍惡不覺淒其淚欲揮

綵鷁雕闌似畫圖嬌饒初醉倩人扶無端簫管喧
闐裏忘却羅敷自有夫

附兒子德屋效句

澤畔吟殘草不青。汨羅一醉幾時醒。而今金鼓喧填處。反使忠魂不忍聽。

青雀珠簾擁麗姿。綠楊堤畔漫縈絲。不知三楚波臣恨。祇為君王寵鄭姬。

同室人哭祖兒百日

別我兩人盈百日。不知魂魄竟何依。斷腸啼笑空追憶。夢裏相逢醒又迷。

百日別離千萬想。幾回錯喚有誰知。人間多少傷心事。第一難堪是哭兒。

辛丑元旦

四十年頭日又增。可堪強仕一無能。何當白髮驚妻子。長向青燈憶友朋。見惡已甘為棄物。無聞久願作山僧。春風堂上猶重慶。自幸斑衣作舞恒。

亞父別項王

已焉哉。追思昔日逢吾主。欲扶堯舜登九五。龍爭虎鬪共馳驅。叨籌帷幄同辛苦。自比周代之十臣。秦國之五殺。誰知一旦譖言興。今日別君歸故土。已焉哉。臣行臣行復臣行。願君嗣此加厲精離間。君之主臣者。奸計不得成。謀奪君之家國者。雄心

此有所託

無可生。臣去無足惜。願君萬事倍聖明。

同內子哭祖兒週年

童鳥永別又經年。汝母于今病未痊。只為囊空輕付命。也知情重願生天。紙錢灰燼能知否。椒酒盃乾恐枉然。今日幾番和淚血。幾曾流得到黃泉。

病中二首

抱疾孤眠甚寂寥。鬚鬢短髮反成髽。問他誰是衝冠者。縱有還因白雪消。

莫將貧賤怨天公。春事闌珊一病中。髀裏肉生休淚落。幾人能共泣東風。

不滿之詞

聞笛

孤館明燈有所思。笛聲偏稱月明時。梅花落處無人見。一種淒清獨自知。

獨居

閑居可悟道。景物適春初。傍戶喜梅放。開門見柳舒。學荒金闕遠。財盡故人疎。但見兒曹聚。書聲滿敝廬。

展先兄晉公手書家乘有感三十韻

粵稽我天水。系出自楚莊。追漢諱明帝。易之嚴氏揚。桐江交帝胄。常傍日月光。光武奮臂起。中興發

序事體如是

南陽還同故人臥。加腹犯斗芒。給諫著廷直。錚錚表大唐。統傳五代後。宋元明有邦。奕葉如帶礪。播遷于荆荒。四明發九支。皆離在他鄉。姑蘇託迹始。屬以第八良。秋曹顯明世。吳傳爲發祥。迄乎種杏公。又遷于虞疆。培杏爲長子。慕杏爲次房。長子丁亦盛。次房世澤長。心萱誕文靖。保傳賢贊襄。傳至五六代。俗羨多兒郎。今幾三百人。載乘未及傍。但恨才品異。莫令大厦匡。有才或無命。多爵或少防。如我長兄變。表表支門牆。手書家乘法。又爲重潢。裝天不佑善人。遽令哲士亡。吾族頽底柱。令人情感傷。諭瑩猶纍纍。久已闕蒸嘗。輾轉思不寐。心中如沸湯。予下有五子。惟教以義方。不知誰繼志。能使舊業張。力足睦九族。何必居廟廊。勿戕宗支本。百世可流芳。永懷晉之乘。淚血徒汪汪。

早春遣興二首

已值東風解凍時。柳條先洩一春私。不求盈篋多佳句。但願平生少惡詩。老壯窮堅舒晚志。流芳遺臭任人思。莫嫌漁父爲王佐。自古江頭出帝師。獸炭攢爐暖未還。乍晴又雪早春天。芝蘭次第堦前發。不讓寒梅獨占先。

才氣壓人

且早春亦有此意

歸途見籬落桃花盛開口占

西風已急雁行斜。日暮孤航破落霞。豈是春風吹不到。荒邨九月放桃花。

山遊

只因閉戶怯孤身。摘伴尋芳倍覺親。山店參差連古墓。馬蹄絡繹間車輪。有情難得將來景。無計牽留欲去春。憶昔同遊零落盡。相逢俱是少年人。

病中

火風地水强支持。四大皆空正此時。接引彌陀在何處。佛家亦作夢中思。

大悟

春暮伯玉兄粵西歸

杏雨濛濛罨柳烟。湖光黯淡見歸舩。飛分原上八千里。夢隔天涯二十年。滿腹忠貞兄尚在。一身貧賤弟依然。別時鬚髮今皆白。握手無言各自憐。

無題

獨坐西郊覓衆芳。百花旖旎蝶蜂忙。杏梁日照微微暈。蘭室風迴細細香。燕亦有情飛影亂。鶯原無賴轉音狂。可憐月上成離別。儘結相思在斷腸。

送春八首

前歲題詩春莫時。今年復作送春詩。春歸剩我空

留恨我老思春獨暗悲白髮漸增難媚世青燈還在更憐兒家貧無物留春住止有蕭疎五柳垂忽聽窓前下上音流光一變一驚新釣磯世德傳千古卜肆家聲抵萬金奕葉箕裘堪自樂當途風雨莫相侵老親堂上方餐罷獨倚柴扉咏綠陰倚杖閒吟甚寂寥遙看山郭酒旗飄佳人障扇窺金勒公子垂鞭拾翠翹壯歲景如駒過隙衰年人似柳垂條還虧天地能容我落拓心腸莫復朝千章高木子規飛十分春光九分歸旭日已兼初夏色晚霞猶帶暮春暉雙親頗覺須扶杖五子聊

知自下帷更有荆妻勤織罷良宵不寐補裳衣鉛華一瞬竟如梭今歲三春倏忽過芍藥開時誰折贈櫻桃熟後易蹉跎支持貧况嫌詩少狼籍風光入夢多珍重錢荷與槍茗莫教輕薄負陽和春歸原不因予去愁緒相關春莫中萬事淹留頭髮白一聲哀怨杜鵑紅桐陰障日生芳草麥浪翻晴任好風蛺蝶不知余夢覺銜花猶自過牆東幽棲梁上燕泥香一線春光日漸長剩有落花三兩瓣更多飛蝶萬千忙自慚狂草非張旭堪笑空杯憶杜康開盡茶蘼紛似雪東皇事畢斷人腸

香風骨

以香山

春色將殘歲又陳。人生那得幾回春。一番日暖千
紅謝。百轉鶯啼萬綠新。自是炎涼時不爽。慣看烏
兔勢相因。細推難保無根體。明歲今朝認此身。

初夏雜興四首

庭中一碧梧。猶是高岡樹。鳳凰既不棲。鳥雀交相
聚。新芽發孫枝。老幹勁如故。葉濃漸成陰。聊遮艷
陽路。路人總不知。梧行梧之素。

堤上柳垂條。路人堪縮折。縮以重相思。折以送遠
別。薔薇豈不嬌。嬌者質易滅。玫瑰豈不香。香者氣
易絕。菘竹豈不勁。勁者難藏節。荇菜豈不長。長者

腸易結。惟有堤上柳。青眼相親切。躊躇復躊躇。折
柳淚成血。分手如冬寒。握手如夏熱。贈君青楊枝。
願君勿棄擲。

盤中盛櫻桃。因思樊素口。口脂萬古傳。樊素不常
有。縱有樊素生。將比嫫母醜。

農家有麥蚕。如蚕炒方熟。余性喜嘗之。鄉人惜如
玉。嬾子為余言。君豈知余曲。麥以濟吾饑。非以媚
君腹。萍子羞獻君。君自求天祿。

秋日述懷

遠宗孔孟是傳燈。致主安民每服膺。能耐貧窮師

杜甫不求温飽學王曾曝衣樓上凌千載得句窓
前勝百朋豈道聞知予尚在淵源千古接如藤

舟中

布帆無恙西風急鴉噪蟬鳴遠樹頭入世一時猶
萬變離鄉片刻似三秋半生牢落常爲客百計艱
辛并作愁此日蓬窓吟望處茫茫天外逐浮鷗

聽琵琶十首

對月憑欄看斗杓忽聞淒絕已魂銷輕攏慢撚千
重恨彈盡霓裳換六么

四絃頻撥相思調一曲淒清星漢稀若是和番真

妙計至今何事歎明妃

霜月含輝照庾樓蕤賓淹抑正深秋舊人莫唱開
元曲一字淒其一淚流

亂擲珍珠走玉盤嘈嘈切切間聲彈快如風急遲
如釧關隴情深塞月寒

促節初疑鐵騎鳴銀瓶復裂水漿傾幽愁暗恨空
中調信是無聲勝有聲

金鈴百萬旋鄰家約板心傷舊象牙絕塞分絃臨
半月迴風拂面散叢花

鶯語流泉奏曲和坐中司馬淚偏多予無降謫江

州恨何故愀然為聽歌
 危弦撥刺曲聲哀奏者何如曹善才
 縱有管兒傳秘調也應沙漠入關來
 清宵有瞽奏繁弦初學琵琶今老年
 果是新聲勝於舊莫嫌居易示重蓮
 寫出關山道里迂烏孫得婦喜歸途
 雖非顧况題詩句今世猶逢劉禪奴

秋窓

門前柳凋謝白日晒古屋讀易就
 簷低蕭蕭風弄竹

秋花

秋草經霜悴秋花冒雨開詩筒遙未至
 門外鹿頻來

秋水

澹蕩西湖水秋風鼓棹過伊人宜穩坐
 誰復到烟波

南虞小草卷上

南虞小草卷下

琴川嚴焯子

新秋五首

五章蘊藉多

梁

北郭閑行愛晚霞。偶携藜杖到山家。藤蘿絕壁空
 留月。蘆荻寒洲已放花。虞仲古祠碑印蘼。言游高
 墓樹。棲鴉滿懷憑吊深。情在常慨虛隨八月槎。
 已涼。天氣散繁星。蕭瑟虛堂冷畫屏。三徑竹枝迎
 酒綠。一窓草色映袍青。雲霞遠合浮湘水。鴻雁高
 飛過洞庭。轉覺愁隨良夜永。數年心事託浮萍。
 憶我生時恰遇秋。今逢秋日愛遲留。風迴細浪來

蘋末雲逗輕烟出樹頭黃菊未開先著雨紅蕖儘
 放尚披裘百年如夢空爭勝一笑花前萬事休
 初涼散步喜登臨拂水山巖獨自尋北嶺漫逢麋
 鹿友西湖遙聽螿龍吟柿經霜重添紅影槐歷寒
 多減綠陰更愛遙空塵世外清風吹徹俗人心
 賦性由來樂至誠閒情遙寄白雲巖松陰稠密乘
 涼坐莎徑荒蕪勉力芟數載勞形移百甓半生饒
 舌犯三緘何時了却人間事得入深山免積讒

八月十一夜同榮三孝先泊舟玉峰城外

遇月

好破

秋半中旬始他鄉見月時開襟談往事把盞對相
 知光瀉銀蟾影明分桂樹枝山城鐘未動盃茗咏
 新詩

十九夜又至崑山同爾公對飲迎月

破確

月輪雖不滿光至夜深多雁苦長空唳烏驚半夜
 過敗桐承玉露衰草照金波狂飲傴僂舞忘懷側
 弁俄

二十夜期歌者不至同爾公待月

午夜月方高光寒照布袍相思寄遠道沈醉為陳
 醪秋淨清人目霜濃潤鶴毛夢魂如可遇不數鄭

破待字抄

櫻桃

秋霽聽慧上人講法

雨後晴和天氣新。生公說法現前身。空中有佛原無佛。鏡上非塵卽是塵。迷徑闢除方是悟。妄波流竭始爲真。感師開示懷心印。從此生生脫果因。

西郊晚秋

哀鳴孤雁度寒空。景物蕭條滿眼中。潘令一宵傷雪鬢。邢生三疊怨秋風。家家籬菊垂垂發。處處山楓漸漸紅。莫謂郊原尚多壘。近聞重譯八荒通。

秋盡日卜肆看菊

黃。草舍秋光淨。寒花歲晚芳。淵明今往矣。籬菊爲誰黃。

蠶羹慰內子

妻無荆布子無綿。貧富無憑總聽天。早韭晚菘皆異味。閉門安坐卽神仙。

村庄三首 六言

出郭一湖清水揚。帆已到田家。遠村鄰舍塲築計。畝收成日斜。渡口繫滿漁艇。籬邊開遍寒花。書生束手自愧。堪歎身爲繫瓜。秋成偶到東溪。遍看高稟連堤。曉起紅蓮白米晚。

來紫蟹黃雞多收稻梁幾斛痛飲鄰家似泥笑倩
童扶代杖夕陽歸去橋西

野岸迴風蕭瑟寒潭徹底澄清林鴉肅肅整羽夜
犬狺狺吠聲米穀上場狼籍茅柴滿地縱橫釀熟
豫需春社迎神伐鼓吹笙

夜聞鄰家奏曲

忽奏笙簫艷曲和寒燈獨坐夜聞歌從來貧富皆

天定北里南鄰爭幾多少陵詩北里富薰天高樓
夜吹笛焉知南鄰客九月

猶絺
絡

冬夜詠雪

名句

小閣孤燈有所思滿天風雪正迷離六花飄下紅
爐爇千片飛來素幕垂竹上有聲如雨夜庭中無
月亦明時還須山裏成高士門外陰寒今訪誰

寒月

昨夜雪光明過月今朝月色白于雪雪光似玉潔
無瑕月色如銀寒更冽

初夏同顧楫侯魏德音遊西關

散步西郊任所之雨餘新綠倍濃時同遊此日還
同散明日分飛各不知

立秋

的是寒月

南真小直

卷六

四

開公告

辛味極以承春
去年曾作新秋詩今年又復立秋時烏頭白髮此
中換秋去秋來無盡期

咏扁豆

今朝籬豆我初嘗又值金風送早涼白種紫花秋
結子青藤碧葉夜凝光覆人陰處炎偏冷漏月明
時露似霜美味一年嘗一度可堪偏得慰清狂

秋日聞雁

秋來物物帶淒涼只有中田盛稻梁木葉初黃將
似蠟茅花新白已如霜忽聞鴻雁來天際豈有音
書入帝鄉好把羽毛還自愛願言增繳莫相傷

八月初三夜三首

以高青丘

徑應詠

搖落芳華天際空高樓簾捲晚來風斷情不畏秋
雲薄暫夢何勞枕竅通露潤桂枝如著雨月明雁
陣似關弓雄心半死傷心在盡在撚鬚不語中
獨對南窓學梵音還將妙理靜中尋痴情斷絕方
安分妄想消除始見心四體徒勞渾似夢六時無
事直如金請看止水風恬日何處波濤得漫侵
欲戒噴痴先戒貪貪心割斷苦成甘翻完波浪知
登岸閱盡東西識指南水火自調餘土鏗色空無
住現金曇平生志性原如矢似月初三反自慚

極是

附兒子德屋作

曾逢獨立過庭除。正倚南窓讀道書。月起涼生懸客榻。吟成風靜愛吾廬。崇岡梧碧應棲鳳。曲沼荷香且釣魚。廊廟江湖同一致。敢貪嬉戲負居諸。

莫秋聞雁

霜天秋曉雁鳴過。歷遍雲山越帝都。既識忠貞能寄帛也。知機械故御蘆。死生諧老心如一。先後排行性不殊。嘹唳豈堪愁裏聽。聲聲引得淚成珠。

屏跡

屏跡幽居莫已知。美人何處寄相思。滿庭芳草自凋葉。幾椽茅廬將折榱。原憲久貧寧忤物。買臣已老怕干時。上林多少名花樹。誰放寒梅獨在枝。

恭送叔母文宜人葬

象服珈笄今已虛。儀容宛在誦山如。天朝命婦承丹詔。望族亡人載素車。系出潞公調鼎後。支由信國盡忠餘。松楸寂寞芝蘭茂。文肅閨嫺富石渠。

尊人文肅公教女如子叔母故知書

枕上

夏夜高眠天未明。薨薨蟲羽夢魂驚。一番心事千

番。想。想。到。天。明。百。不。成。

送遠行

出門總離別。無論近與遠。江山險阻間。行役實蹇。蹇。握手慰同心。離愁幾繾綣。君今千里行。或疑遊上苑。去時楊枝青。歸時恐歲晚。堂上親倚閭。思君不堪飯。閨中少婦愁。遊子寧遽返。何如家居安。在牀時息偃。

次李爾公江濟蘆花韻

蘆荻蕭蕭伴素秋。誰憐搖落老江頭。不隨柳絮春風舞。豈學梨花夜雨愁。黃菊遙憐多繾綣。丹楓密

約故遲留。漁翁愛此不歸去。唱晚聲聲入庾樓。

經陸季恭先生十五松別業

物在人亡真可哀。先生昔日樂遊來。三千客座地如昨。九十春光花自開。楊宅少人餘碧草。石園無主任蒼苔。分香舊寵今何處。寂寞空留画棟材。

冬日自慰

四十六年人。疎狂任性真。多男真自足。未老莫言貧。菽水堪為養。糟糠亦可珍。還同萬物意。臘盡望回春。

池魚

石江神傷

荷嫩因誰戲。潭深亦自肥。只愁風雨至。變化作龍飛。

春雪

對雪欲題詩。初春凍筆時。家家銀作瓦。樹樹玉交枝。比色庭梅妬。和光夜月宜。收寒新暖意。漏洩百花知。

春閨怨

更上層樓見柳絲。忽驚時去羨蛾眉。青春有盡淚無盡。空損腰肢為所思。

晚秋十二首

書絕

稻香山色疊屏圍。一望林楓似抹緋。寒水飄萍羈去棹。短垣衰柳亂斜暉。未持白璧要當道。贏得青山老布衣。盡日相看黃葉落。野鷗閑傍荻花飛。

操持常似執璠璣。坐向明窓賦子虛。庭曠但留三徑草。才疎空羨五車書。社前尚有窺梁燕。霜後應無避釣魚。秋盡江南花未老。小春催暖到山居。

西風浙浙雨淒淒。虞仲城邊烏夜啼。寄跡常如居客邸。修身一似處深閨。水寒鼓棹江增濶。山峻瞻雲天倍低。出處皆留名世蹟。桐江千古配磻溪。

蘭摧菊謝滿塵埃。天意茫茫未可猜。七日山鳴虞

有虞小直

岫怒

時維摩僧云山鳴者七日

初禪水浸楚江哀

佛經云水浸初禪時湖廣

蕪湖滄沒者千里

班姬舊扇猶存否漢帝新辭安在哉已

向丘山娛暮景籜冠短褐任徘徊

晉代風流話已陳江南景物未曾新東山石辨迎

安石金谷花能哭季倫千古每多失意客悲秋偏

屬久貧人關情草木頭成雪江滸蘆花接白蘋

年過四十歷風塵室內煢煢二仲昆惟有窮愁銷

白日更多幽恨度黃昏世間公道無餘路聖諦深

機未得門雨露廣施偏不及負暄何日報君恩

遙憶神仙世外山三山原不隔塵寰難生羽翼長

辭世恨殺聲名未入班永日學仙求結孕清宵默

坐待開關秋潮湧浪高千尺恐是相迎鶴駕還

卜築幽居只數椽晚秋瀟灑樂新遷洗盂每置和

羹味携杖常懸買酒錢一自九州傳檄定從今萬

戶解衣眠黃花開罷丹林發終歲優游似謫仙

初心砥礪欲無瑕三省工夫日漸加潔比曉霜凝

草舍榮疑秋露潤庭花時光易遍西風急節候將

移北雁斜追想平生無限過不能擢髮數恒沙

蔬水朝餐晝曲肱樂無可戀苦無憎陶籬野菊偏

成韻張谷甘梨不待蒸青漢蹉跎雖未到白雲杳

渺亦難憑。西齋自得殘秋趣。雁脫增羅魚脫鱗。
地屬荆揚列九州。虞城人物見商周。巫公相業誰
能匹。言子文章莫與儔。琴水似絃山似黛。尚湖如
鏡月如鈎。縱然世有滄桑改。千載常留是暮秋。
遠望巖頭霜雪侵。橙黃橘綠滿寒林。青山日莫一
尊酒。碧樹秋深萬里心。築室菱湖如照鏡。傍亭松
韻正彈琴。何堪木葉飛將盡。愁怨空傳六翮禽。

哭家晉公兄二首

歸自梁谿甫十齡。燈窓丙夜共熒熒。功名未就慚
飛鳥。學業無成守一經。違俗只因爭絕學。承家惟
有哭晨星。從今雁序成孤獨。淚竭霜天影弔形。
聞言苦盡有甘來。兄弟逢屯運莫開。弟自未酬鴻
鵠志。兄何遽折棟梁材。家門不幸悲衰草。世事難
憑歎劫灰。不是鴿原偏痛切。今無直道有誰哀。

歎落花

一歲花開一度時。天晴天雨總難期。明年縱有重
開日。已落何曾再上枝。

落花詩有序

九十春過萬千花。謝紅吹乾雪彩散朝
雲。歎飄零則棄舊忘恩。論狼籍則隨風

句、是歎不是
落花

肯嫁蜂撩蝶採過眼成空雨洗風欺逾
時儘滅子也思花惜景覩物傷情非傷
情傷花謝而與我同貧非惜景惜春歸
而留枝皆瘦不堪舊病况兼中酒之懷
無耐新愁殊乏吟詩之趣曾見文沈諸
先輩俱有佳咏予不自揣見獵喜生續
貂才短忽開忽謝物類且然有盛有衰
世情如是情兼慘切念屬悲淒謹循四
韻爰賦八章

連宵風雨苦相侵次第枝頭減却春珠墜樓中空

有怨淚乾垓下已成塵別尋香徑難爲緒添得濃
陰不是貧會悟明年先訂約何須惆悵兩眉顰

園林春色已無多片片飄零奈若何空裏乾坤原
變幻世間今古易蹉跎還將殘艷添魚腹留取香

泥補燕窩欲使繁華常在眼莫嫌煬帝費綾羅

開謝元來命不齊鷓鴣猶傍一枝栖蜂尋蝶覓已
無定日晒風翻更莫携楊柳嫩涵芳草綠子規哀
接曉鶯啼飄零本是尋常事願勿狂吹入污泥

興忘瞬息樹清癯蕩漾殘春萬物蘇追想後庭愁
白下回思前度悵玄都宵來夢筆朝來醒昨日傾

不做落花却是
花意

城今日孤。最是傷心留點點。一番狼籍。一番無。
荒郊野鹿。護山城。飄蕩隨風。不辨名形。剩影餘還。
有迹。色歸空處。自無聲。柳腰見妬。矜新寵。月姊相。
嘲。故倍明。縱得林間有神助。難將舊幹。復新萌。
憐惜柔腸。一旦空。紅兒已故。夢難通。珠沉玉碎。何。
容易。色倚枝。儂不再逢。晴亦飄飄。非爲雨。香還留。
戀。漫隨風。往時御史。千方護。今日零竹。西又東。
寂寞春歸。臥碧紗。交枝月照。易偏斜。葉疎蝶睡。魂。
難穩。子嫩蜂來。蜜不加。乍落滿園。疑鬪錦。齊飛入。
水似流霞。如花那得人空老。青塚淒淒。不見花。

樹底紅凋綠漸深。頻頻把盞費沉吟。牕前止剩千。
竿竹。屋側仍鳴百。嚙禽。潘令更來。非錦縣。漁人重。
到。祇空林。晨裝莫爲春歸懶。不趁開時。早上簷。

孝子行贈魏大孝聚

自古大聖人。至性不少虧。所重忠與孝。芳名千載。
垂。伏輦侍中血。登樓信國詩。克諧稱大舜。憂危歎。
伯奇。國家處變。臣子苦。人生不幸。欲何爲。如磐石。
心難移。君臣之間。有僚友。家中子道。將委誰。父慈。
母順。子易孝。頑嚚驕傲。實難支。父母俱無恙。子心。
可自怡。九泉不復見。蓼莪徒傷悲。縱有春榮桃李。

復發色含五
盡

發北堂萱折情何依

春盡日與顧楫侯雪窓話舊

相知相對正閑居九十春光一線餘
瑞兆何須三月雪嘉言勝讀十年書
近聞猛虎行城市猶喜潛龍臥草廬
短刻青燈添白髮高吟無復事拘墟

和翁季霖雨集友人園亭

鶯燕飛飛過女牆始知春盡換流光
平鋪嫩綠一庭淡落遍殘紅
滿院香金勒雨催公子騎湘簾風
捲美人妝知心相對難為別
永日詩狂復酒狂

首夏三首

艷陽時候草叢生山色湖光各倍明
香引棹歌花乍落影搖江月夜初晴
新桐已放如圭長飛絮頻飄似雪輕
歷歷三台可指視一天星斗泰階平
空樓無伴亦登臨一望林巒翠綠深
竹露點衣風片片湖烟籠戶樹陰陰
白鷗佇立千層浪玄鶴長鳴萬里心
跣足科頭安散誕羞將壯志沒華簪
可憐貧病得相兼病况貧懷日日添
莫想鷄鳴如祖述徒吟恨賦似江淹
儒生偏稱衣單薄斗室何勞日暑炎
久臥不須營藥物青襟無事莫頻沾

漫興二首

青青庭中草。託根于淺泥。朝承清露潤。暮被夕陽
迷。亦有生不辰。踐踏在村隄。復有清淨本。飄飄樂
幽谿。草木有榮落。長夏多鶯啼。消長寓物理。生滅
各不齊。榮枯頃刻間。安得常萋萋。
夏日雖靜坐。炎熱過于火。赤帝正施令。威燄萬里
播。天地甚無為。何為又生我。我生並三才。行事多
相左。長嘯徹九天。笑啼總未可。

長相思二首 有序

長相思本漢人樂府詩中語後世遂以
名篇如徐陵江總李白皆有曲子戲為

之固知為駢枝也

長相思在長安。燕子飛飛春色闌。東風飄飄花欲
殘。倚樓獨望寄遠道。凝眸袖手凭闌干。遙遙征途
隔雲天。陌上楊柳兮毵毵。草際露水兮溥溥。黃鶯
轉語添愁緒。繡幃孤枕空長歎。長相思衣帶寬。
長相思在夢中。自君之出羅幃空。窓前浙浙來朔
風。斜倚薰籠思欲絕。滿天霜雪鳴孤鴻。終身無託
淚珠紅。楓林青兮路朦朧。開塞黑兮魂難通。願化
長虹繫萬里。驚回枕上五更鐘。長相思聚眉峰。
仲春上浣偕葉探花子吉盛進士珍示周

南唐小意 卷一 古 淵林居
孝廉子倣文學沈無盈周序閑王次谷
丘近夫葛孺初葉敷文顧虞功顧石虹
李民安葉廷玉李東聚李振如王翔逸
李南禾暨客江寧寰沈留完徐瑞若朱
玉甫伊聘之徐襄周伊象九翟允中王
扶公羅光甫聯日宴集李爾公園亭

日對好花聽好音參差聲色怡予心猶嫌歡樂日
不足繼之秉燭更沈沈今歲春光倍蕩漾呼盧交
盞襟懷暢嘉賓豪客沓紛紛絲竹謳歌自寥亮間
或論文天下雄推窓倚檻受和風滿園瀟洒淨人
目惟見佳氣鬱葱葱梅花零落玉蘭發枝頭池上
交堆雪春暖高枝好鳥鳴青梧翠柳弄百舌人生
幾見艷陽天安得年年是樂年果使相知常聚首
不應更羨洞中仙

留別李爾公

一春相對好花前竟日淹留列綺筵塞耳笙簫天
上樂移時已遇艷陽天今宵揮淚與君別酒闌燭
炮歌聲咽家中親在須暫歸惜別傷神心似結心
如結兮解不開相期初夏棹重來園中花柳能相
待爲我徐徐放幾回想見來時夏正好新篁池館

生芳草。落英鋪地伴斜陽。鶯轉枝頭聲未老。歲歲
來遊。愧素餐。牡丹開後百花殘。欲將肝膽酬知己。
把臂談心。麥秀寒。

傷春

記憶去年春正好。寒暄叅半。花開早。今年白髮滿
頭侵。依舊風光人自老。

四月朔春盡山行訪友高林庵

孤征踽踽如行脚。出自北門脫鎖鑰。好鳥時鳴三
四聲。山家遍放木芍藥。晴嵐聳翠入雲霄。高峭層
層形似削。曲曲周迴破龍澗。迤邐泉清水未涸。松

枝似虬草。禱青榆。莢如錢。柳絲弱。村園竹笋乍成
筍。淇澳遺風初出籟。解袂乘涼風自來。方知高士
喜丘壑。入山遠叩高林庵。訪友相尋初夏約。籬下
青蒼不辨名。疎風幾陣山花落。同窓同術數年光。
今日今朝重然諾。良友意氣自如虹。家中妻子堪
付託。案頭載籍富五車。時務精通千古博。僧舍潛
修歷四時。避囂景緻殊不惡。高談濶論評古今。仰
慕漢唐霍與郭。蓋世功勳後所希。安危名重功臣
閣。從來英傑不多生。一似鷄羣獨立鶴。諸葛留侯
接踵至。匡王定鼎施謀畧。讀書貴取大義裁。不用

拘墟事糟粕。虞仲山間久坐娛。菜蔬一盃酒一勺。
人生樂土未易居。不羨三都與鎬亳。但恐秋深樹
木凋。寒山葉落送蕭索。田家且喜力耕初。日入而
息。日出作布褐。書生常見聞功名。到手思民瘼。締
交相契已十年。回想當時事如昨。飯罷言終歸去
來。柴門相送莊還謔。獨行無友伴。予歸幸有翩翩
雙喜鵲。如送如迎夾道飛。清和情味真堪嚼。此身
似葉趁飄零。爽氣侵衣附輕薄。熱血未酬名未成。
遲遲步武觀寥廓。喟然大嘯入山城。眼曠心空名
與爵。

誕日自感

早起身危坐。坐對庭中樹。清風樹底生。蟬鳴樹頭
聚。螳螂見鳴蟬。張爪將欲捕。蟬驚頻頻遷。已觸螳
螂怒。螳固生惡心。蟬亦常自懼。雀啄正饑時。見此
心起惡。殺機自螳開。格物知其故。人生天地間。生
死乃其遇。覩物感予懷。至理默已喻。禍兮豈不憎。
福兮豈不慕。身處五行中。修天範。大數現在爲。定
位。儒者貴行素。順適與時宜。矯強與天忤。百歲有
定期。飛鳥兼走兔。大聖常兢業。大賢每恐怖。安貧
樂道者。隨遇得其趣。金穴等浮雲。軒冕如朝露。倏

秋曉如畫

忽鬢邊霜趨炎是末路予生四十八未售甘泉賦
好友赴科場代為鄉塾傳課徒作文章兼訓規矩
步課餘聊賦詩搜索無奇句覓句如吞針苦吟少
警悟走筆塗殘箋腐氣爭先附哀哉一無成已為
儒冠誤惟有嗟歎聲咄咄傷遲暮

秋曉

蟲飛明月中窓外已西風倚檻凌空望花間新露
業

中秋詩二首

瞬息秋光恰半期秋山秋水好追隨輕羅小扇頻

頻執薄簟涼宵處處宜浦口客歸霞乍落汀前漁
唱月初移生居吳下能安樂不是天公有所私
月明露白夜初寒處約襟懷久愈寬有筆放花憑
夢展無燈翻卷聚螢看遙思桂子何時結妄想鱸
魚此日難不事王侯全素志西風城闕漏聲殘

老少年

霜下中庭萬木殘蕭蕭瑟瑟正秋天不須別問長
生術候到顏頰反少年

恭頌蔣孝子雲程先生

兩間大孝子百歲不一生菽水因心重烹牲為世

輕舞班無恙日。哭竹值憂庚。赤岸雲程志。澄江孝子情。萬鍾非所願。三徑不求名。湯藥親為奉。蔬羹自却精。七年扶枕褥。千古達神明。與御廬傍樂。先生親自肩輿。御其父周視廬舍。稼圃花卉草木之屬。一破顏乃喜。光華土內盈。營葬得五色芝蘭羣壁立。玉石仲君成。次公文石廣交予兄弟皆蒙其他山之選已矣先生往。倫常萬載貞。

壽文石蔣先生五十初度

天地生人有正氣。學賢學聖持身貴。謹承孝志世所希。交訂金蘭為我畏。人生豪曠氣凌霄。出處優游器宇饒。高適工詩逾壯歲。買臣晚貴脫漁樵。高適

五十始工詩買

吾友文石素飽學。心傳堯舜居先

覺韓蘇文學腕間收。孔孟淵源心上握。附鳳攀鱗志未伸。璉瑚為器德為鄰。西河東魯宗師訣。教育英才歷幾春。我人五十未為壽。南極高懸天有宿。干旌賁戶不就徵。衡門泌水常如舊。皆儲蘭桂掩雙扉。夏熟蟠桃月潤輝。言動必規更矩步。何須今日始知非。今日稱觴頭未白。華筵得與皆仙客。鹿齡鶴算正綿綿。先捧霞觴歌半百。

感遇

世事無憑準。循牆未失真。螳蟬身屬雀。鷓蚌利歸

人聽命知天理。存仁擇德鄰。平生恐踰矩。負屈不須伸。

河之水二首

河之水。去悠悠。清泉潺湲歸荻洲。玉露滴滴金風颭。野鳧出沒閒鷗沉。浮東流去不返。誰鞭古今愁。河清且夕。未能俟年光。易老徒牽憂。頻居川上看悠悠。

河之水。去潺潺。秋江日暮思各天。恩波浩淼德水漪。漣長風萬里遠。渡百川擊楫人往矣。破竹心徒然。量絲廣狹曩事息。鯨魚漸大能吞舫。風濤洶湧

漫潺潺

所見

睂畫青山口。點朱輕雲澹。宕拂仙裾若將容。比中秋。月月裏。姮娥亦不如。

夜坐

落落秋殘夜。飄來漏乍長。蟲聲多慘切。雁影度微茫。風勁摧梧葉。雲疎讓月光。欲眠還得句。添入小奚囊。

秋盡日玉峰道上

蕭瑟三秋盡。孤帆客路長。菊叢迷黯淡。蘆葦障蒼

南虞小草
卷下
三
蒲松
菴樹閃鴉歸陣。山銜日暮光。往來經百里。笑負一
空囊。

南虞小草卷下

南虞先君子之別號也。南虞小草先君子之遺詩也。嗚呼不肖之不奉侍也。二十年矣。捧讀遺詩。泫然涕淚而不能已焉。先君子爲文靖公曾孫中翰開宇公冢孫幼聰穎。長而博通。今古慨然以文章經濟爲己任。先王父觀我公貢成均。當謁選先外祖衷涵陸公。適司銓政。貽書召補。恩蔭擬授中書舍人。束裝且行。鼎革不果。於是絕意仕進。寄情物外。色養之餘。惟有吟弄風月。托歌詠以見志而已。先文靖公相世廟時。值歲饑。請蠲江浙一歲租。以活饑者。破資格舉士時。

號得人。歟。德載在國史。郊廟詞章。一時皆出手。筆嗣後曾伯祖中翰洞庭公。中憲天池公。叔祖。駕部髻珠公。給諫香山公。伯岡卿伯玉公。奕葉。清節遐邇共知。申酉之際。髻珠公隱居湖田。先。君子時時過從。河山之感。撫膺同悼。鄉閭間稱。小阮云。秋月春花。先君子飄飄霞舉。時與先伯。晉公先叔武伯更相唱和。堯年對語。殷殷乎有。餘恫焉。歲甲戌。不肖與簡緣馮先生。客授江鄉。馮氏詩學當世推重。因奉遺藁以就正。事未竣。率兒子仍鈞。歲試玉峰。忽夢先君子道冠羽衣。

儼列仙曹者。然向不肖云。汝急爲我謝簡緣。我志從此見矣。但其中對鏡一首。感懷之二三。不必付刻。又云。汝幼弟名與汝符合。時七月晦夕也。越三日。弟德壑果補郡庠博士弟子。蓋先君子子五人。長卽不肖。德壘。次德墜。次德塾。次德堡。幼乃德壑也。歸而選事已卒業。詮次既定。勉將脩脯資。剗厠問世。非敢竊附。使人有聞之義。但期斯編不墜。有以窺見當年之意旨云爾。若先君子之敦倫好義。砥行讀書。已載邑乘。及行狀中。茲不敢贅。男德壘百拜謹識。

林... 始... 長... 百... 義... 麟...

決... 子... 之... 傳... 命... 彼... 壽... 短... 存... 隨... 善... 且... 薄... 也... 乘... 父... 孫...

四... 賦... 禮... 樂... 不... 知... 律... 以... 繼... 吳... 當... 中... 以... 意... 旨... 云... 海... 東...



夫... 其... 中... 繼... 命... 一... 首... 賦... 之... 二... 三... 不...

外... 賦... 禮... 樂... 皆... 然... 向... 不... 肯... 為... 矣... 然... 為... 矣... 推... 斷... 矣...



Handwritten marks or characters on the left side of the page, possibly bleed-through or a separate note.

禮